



Pou Piblikasyon Imedya: 07/06/2023

GOUVÈNÈ KATHY HOCHUL

## GOUVÈNÈ HOCHUL ANONSE NOMINASYON NAN TRIBINAL REKLAMASYON ETA NEW YORK

### *Nonmen premye jij gason transeksyèl ouvètman nan istwa Ameriken*

Gouvènè Kathy Hochul te anonse jodi a 11 nominasyon ak kat re-nominasyon nan Tribinal Reklamasyon Eta New York la. Klas istorik nominasyon yo gen ladan moun ki trè kalifye apati yon bann eksperyans pèsònèl ak pwofesyonèl, sa gen ladan premye transeksyèl ouvètman ke yo nonmen, ki pral pote yon pèspektiv divèsifye ak ekspè nan Tribinal la.

"Mwen gen anpil konfyans ke gwoup istorik ak eksepsyonèl moun yo nonmen sa yo pral sèvi Nouyòkè yo avèk jistis ak enpasyalite", **Gouvènè Hochul te deklare.** "Avèk divès pèspektiv ak anpil ekspètiz, mwen gen konfyans chak moun yo nonmen ap pote onè ak entegrite nan sistèm jidisyè Eta New York la".

#### **Kat re-nominasyon yo gen ladan:**

##### **Maureen Heitner, Konte Queens**

Kounye a, Maureen Heitner ap sèvi kòm Jij Enterimè nan Tribinal Siprèm Eta New York - Konte Queens. Tribinal Siprèm Eta New York nan Konte Queens lan te anboche li anvan sa kòm yon Grefye Prensipal/Grefye. Heitner se yon avoka anrejistre nan Eta New York.

##### **Timothy Lewis, Konte Bronx**

Timothy Lewis ap sèvi kounye a kòm Jij Enterimè nan Tribinal Siprèm Eta New York - Konte Bronx. Lewis se yon Pwokirè Vil Greenburg, New York epi te ansyen Pwokirè Adjwen Vil la an 2004. Lewis te nan pratik prive soti 1992 rive 2004. Li te travay tou kòm Pwokirè Adjwen Distri nan Konte Bronx.

##### **Anar Patel, Konte Westchester**

Anar Patel kounye a ap sèvi kòm Jij Enterimè nan Tribinal Siprèm Eta New York - Konte Westchester. Anvan sa li te konseye nan Simpson, Thacher & Bartlett LLP, yon pòs li te

okipe depi 2020. Anvan li te rive nan nivo Konseye, li te yon Asosye Litij soti 2010 rive 2011 epi ankò soti 2013 rive 2019. Li te yon Lejis pou Onorab William Kuntz II soti 2011 rive 2013. Li te yon Pwofesè Oksilyè tou pou Atelye Pratik Jiridik nan Columbia Law School. Paran Patel yo soti nan Enn ak Ouganda epi li se Ameriken premye jenerasyon. Li marye epi gen twa timoun.

### **Michael Siragusa, Konte Erie**

Aktyèlman Michael Siragusa ap sèvi kòm Jij Enterimè nan Tribinal Siprèm Eta New York - Konte Erie. Michael Siragusa te anvan sa Pwokirè Konte Erie, yon pòs li te okipe depi 2012. Anvan sa, li te sèvi kòm yon Pwokirè Jeneral Adjwen epi, apresya, kòm Sou-Pwokirè Jeneral Adjwen Responsab Biwo Rejyon Buffalo jiska 31 desanm 2011.

### **11 nominasyon yo gen ladan:**

#### **Raymond Fernandez, Konte Bronx**

Raymond Fernandez te sèvi kòm Grefye Prensipal pou Onorab Doris Gonzalez, Jij Administratif pou Zafè Sivil, depi 2019. Li te sèvi tou kòm yon Abit Ti Reklamasyon pou Tribinal Sivil Vil New York depi 2017. Anvan sa, li te sèvi kòm Grefye Prensipal pou Onorab Jij Tribinal Siprèm Eta New York Norma Ruiz. Li se yon manm nan Komite Tribinal Sivil Asosyasyon Bawo Konte Bronx. Fernandez ap sèvi tou kòm Prezidan Komite Jistis Egal pou Douzyèm Distri Jidisyè, Manda Sivil, epi kòm Direktè Asosyasyon Bawo Konte Bronx.

#### **Aletha Fields, Konte Suffolk**

Aletha Fields te sèvi kòm Majistra Sipò pou Tribinal Fanmi Konte Suffolk depi 1997. Soti 1988 rive 1997 li te sèvi kòm yon Avoka Adjwen Tribinal Sivil nan Vil New York. Fields se ko-fondatè ak ansyen Trezorye Asosyasyon Bawo Ispanik Konte Suffolk.

#### **David Fried, Konte Rockland**

David Fried kounye a se yon pratikan endepandan. Li te sèvi kòm Jij Vil pou Vil Ramapo depi 2019 epi kòm Jij Vilaj pou Vilaj Spring Valley depi 2015. Fried te Prezidan Biwo Lwa David Fried tou depi 2014. Anplis de sa, Fried te sèvi kòm lejislèt nan Konte Rockland soti 2003 rive 2007. Kounye a li se Ko-Prezidan Ninth Judicial District Access to Justice, Sou-Komite LGBTQ+.

#### **Mario Giacobbe, Konte Erie**

Mario Giacobbe se kounye a Asistan Egzekitif-Dezyèm Pwokirè Distri Adjwen pou Biwo Pwokirè Distri Konte Erie. Anvan sa, li te yon patnè nan Biwo Lwa Jaworski ak Giacobbe soti 2006 rive 2021. Giacobbe te sèvi tou kòm Pwokirè Vil pou Vil Tonawanda. Soti nan ane 1993 rive 2005, li te travay pou Biwo Pwokirè Distri Konte

Erie a nan divès tit. Li te nan Konsèy Administrasyon Asosyasyon Bawo Konte Erie ant 2017 pou 2020.

### **Brian Haak, Konte Albany**

Brian Haak aktyèlman sèvi kòm Avoka nan Konferans Majorite Asanble Eta New York la. Depi 2016, li te sèvi nan plizyè pòs diferan avèk Asanble a, tankou Avoka Adjwen, Palmantè, Avoka Asosye ak Avoka Gouvènman Lokal. Anvan sa, li te sèvi kòm Avoka Vil Danube ak Avoka Vil Root. Haak te sèvi tou kòm yon Konseye pou Vil Colonie ak kòm sipèvizè Vil pou Vil St. Johnsville ak Konte Montgomery. Li te okipe tou pòs Jij Minisipal pou Vil St. Johnsville ak Jij Vilaj pou Vilaj St. Johnsville.

### **Seth Marnin, Konte New York**

Kounye a Seth Marnin ap sèvi kòm Direktè Fòmasyon ak Edikasyon, Opòtinite Egal ak Aksyon Afimatif nan Columbia University. Li se premye gason transeksyèl nan istwa Ameriken ki sèvi kòm jij. Anvan wòl li kounye a, Marnin te Fondatè ak Direktè Estrateji Espas Travay, konseye ak gide òganizasyon san bi likratif sou yon seri pwoblèm legal, tankou zafè ki gen rapò ak travay ak devlopman politik. Li te sèvi tou kòm Vis Prezidan Dwa Sivil nan Lig Anti-Difamasyon apre li te sèvi kòm Direktè Jiridik Nasyonal Asistan ak Avoka Rejyonal Dwa Sivil. Anvan sa, li te sèvi kòm Direktè Adjwen pou Sant pou Lwa ak Politik VIH. Li se yon manm nan Asosyasyon Bawo Vil New York.

### **Nicole McGregor Mundy, Konte Queens**

Nicole McGregor Mundy kounye a se Grefye Prensipal pou Jij Administratif Tribinal Siprèm Queens-Manda Sivil, yon pòs li te okipe depi 2020. Anvan sa, li te sèvi kòm Grefye Prensipal pou Onorab Jij Tribinal Siprèm Eta New York Marguerite Grays depi 2003. Anvan sa, li te sèvi kòm Avoka Tribinal pou Onorab Marguerite Grays nan Tribinal Sivil Vil New York. Li te sèvi tou kòm yon Avoka Ajans II nan Administrasyon pou Sèvis Timoun pou Tribinal Fanmi Manhattan. Soti 2010 pou rive 2011, li te sèvi kòm Prezidan Asosyasyon Bawo Fanm Konte Queen.

### **Scott Odorisi, Konte Monroe**

Scott Odorisi te sèvi kòm yon Jij Tribinal Siprèm Eta New York pou 7yèm Distri Jidisyè a depi 2012 Li te sèvi fòmèlman nan Pati Sivil la, Pati Kriminèl la, kòm Jij Kowòdinasyon nan Pati Konfiskasyon 7yèm Distri Jidisyè a, epi kounye a li se Jij Kowòdinasyon pou Misyon Sivil nan 7yèm Distri Jidisyè a. Li se Jij Sipèvizè pou Tribinal Adolèsan Rochester ak Prezidan Komisyon Konsèy Jiri Konte Monroe ak Steuben. Anvan Odorisi te sèvi kòm yon Jij Enterimè pou Tribinal Minisipal Rochester ak Jij Pati Lès Vil Rochester, kote li te pi piti jij eli nan Eta New York nan epòk la. Li se yon manm depi lontan nan Asosyasyon Bawo Kone Monroe.

### **Kim Parker, Konte New York**

Kim Parker te travay kòm yon Jij Administratif ak Ofisyè Odyans nan Biwo Pwosè Administratif ak Odyans depi 2017. Li te sèvi tou kòm yon pratikan endepandan depi 2002 ak kòm Avoka Kip Lenoir, Esq. depi 2003. Soti 2015 pou rive 2017, li te sèvi kòm Direktè Egzekitif Asosyasyon Bawo Moun Nwa Metwopoliten. Li te sèvi tou kòm Konseye espesyal pou ansyen Senatè Eta New York Eric Adams. Anplis de sa, li te travay sou Pwojè Klemans Prezidan Obama a, bay prizonye federal sèvis legal gratis.

### **Ruth Shillingford, Konte New York**

Ruth Shillingford te sèvi kòm Avoka Asistan an Chèf Kòporasyon pou Jistis Kriminèl nan Depatman Lwa Vil New York depi 2022. Anvan sa, li te sèvi kòm Jij Enterimè nan Tribinal Siprèm Eta New York soti 2009 rive 2021. Anvan sa, li te sèvi kòm yon Jij Tribinal Kriminèl soti 2006 rive 2009 ak yon Jij Sivil Enterimè soti 2003 rive 2005. Soti nan ane 1994 rive 2003, li te travay ak Divizyon Apèl Tribinal Siprèm kòm yon Asistan Pwokirè an Chèf Adjwen ak yon Pwokirè Prensipal. Li te sèvi tou yon Asistan Pwokirè Distri ak Chèf Inite pou Inite Espesyal Nakotik ak Konfiskasyon Byen pou Biwo Pwokirè Distri Konte New York la depi 1988 rive 1991.

### **Ellen Tobin, Konte Nassau**

Ellen Tobin te yon patnè litij pou Westerman Ball Ederer Miller Zucker & Sharfstein, LLP depi 2019 apre li te travay kòm yon asosye litij pou kabinè avoka a soti 2015 rive 2018. Anvan sa, li te travay kòm yon Asosye Litij avèk Curtis, Mattel-Prevost, Cot & Mosle LLP. Li te travay tou kòm yon Grefye Lwa Jidisyè pou Onorab A. Kathleen Tomlinson, Jij Majistra Etazini pou Rejyon Lès New York. Li te sèvi kòm Direktè Asosyasyon Bawo Konte Nassau depi 2022 ak Sekretè Asosyasyon Bawo Federal pou Distri Lès New York depi 2022.

Tribinal Reklamasyon Eta New York la se fowòm esklizif pou litij sivil k ap chèche domaj kont Eta New York oswa kèk antite ki gen rapò ak Eta a tankou Otorite Thruway Eta New York (New York State Thruway Authority), Inivèsite Vil New York (City University of New York), Otorite Devlopman Rejyonal Olenpik (Olympic Regional Development Authority), Kòporasyon Enstiti Kansè Pak Roswell (Roswell Park Cancer Institute Corporation) ak Otorite Enèji Eta New York (New York State Power Authority) (reklamasyon pou apwopriasyon byen imobilye sèlman).

Tribinal Reklamasyon an pa gen jiridiksyon sou okenn vil, konte oswa gouvènman minisipal oswa sou okenn defandè endividyèl.

###